
ЎЗБЕКИСТОН ТУМАНИ ҲОКИМЛИГИ АХБОРОТ ХИЗМАТИНИНГ РАСМИЙ БИЛДИРИШИ

Ижтимоий тармоқларда “Фарғона вилояти Ўзбекистон туманида қонунсиз ер сотилмоқда” мазмунидаги хабарлар тарқалмоқда.

Ўзбекистон тумани ҳокимлиги мазкур ҳолат юзасидан қуйидагиларни маълум қилади.

Хабарда келтирилган маълумотлар Фарғона вилояти Ер тузиш ва кўчмас мулк кадастри давлат корхонаси томонидан тегишли тартибда ўрганиб чиқилди.

Маълумки, Ўзбекистон Республикаси ҳудудида қишлоқ хўжалигига мўлжалланмаган бўш турган ер участкалари Ўзбекистон Республикаси Вазирлар Маҳкамасининг 2019 йил 20 декабрдаги “Тадбиркорлик ва шаҳарсозлик фаолиятини амалга ошириш учун бўш турган ер участкаларини бериш тартиб-таомилларини янада такомиллаштириш чора-тадбирлари тўғрисида”ги 1023-сонли қарорига асосан «E-IJRO AUKSION» орқали сотилиши белгиланган.

Ўрганиш натижалари бўйича Фарғона вилояти Ер тузиш ва кўчмас мулк кадастри давлат корхонасининг тақдим этган маълумотга кўра, шу кунга қадар Ўзбекистон тумани ҳудудида 101 та бўш ер майдони аукционга киритилган бўлиб, шундан 6 та ер участкаси аукцион орқали сотилган. Ҳозирги кунда аукционда сотувда 37 та бўш ер майдонлари савдога чиқарилган.

Шундан келиб чиқиб, хабарда келтирилган маълумотлар ҳеч бир ҳуқуқий асос ва тасдиққа эга эмаслигини маълум қиламиз.

Ўзбекистон тумани ҳокимлиги Ахборот хизмати

2020-08-10 19:10:30